



## UMS Dan ITC Anjur Persidangan antarabangsa

Oleh Mohd. Affzanizam Bin Mohd. Amin

Bertempat di Grand Ballroom, 1 Borneo, satu persidangan antarabangsa mengenai pembangunan pelancongan anjuran Sekolah Perniagaan dan Ekonomi (SPE) Universiti Malaysia Sabah (UMS) dan Pusat Pelancongan Islam (ITC) telah berlangsung pada 12 Julai lalu.

Persidangan antarabangsa "How To Successfully Design And Implement Master Plans For Sustainable Tourism Development" telah dirasmikan oleh Y.Bhg. Dato' Norhaidi Haji Che Dan, Setiausaha Politik kepada Menteri Luar Malaysia, yang mewakili Menteri Luar Malaysia, Y.B Datuk Anifah Aman.

Menteri Pelancongan, Kebudayaan dan Alam Sekitar Negeri Sabah, Datuk Masidi Manjun turut menyampaikan ucapan pada persidangan itu. Dalam ucapannya, beliau memilih Institut Sabah bagi menjalankan pengajian pembangunan untuk menyemak Pelan Utama Pelancongan Sabah sedia ada yang berusia 15 tahun dan

merumus pelan kedua bagi 2011-2025.

"Industri pelancongan Sabah telah tiba di persimpangan dalam pembangunannya dan semakin berkembang, walaupun belum matang. Industri ini terus menjadi amat dinamik dengan perubahan berterusan yang berlaku dalam corak perjalanan, pengangkutan udara dan laut, serta kelakuan pengembara selain faktor di luar kawalan manusia seperti perubahan iklim dan bencana alam,"katanya.

Turut hadir pada persidangan tersebut ialah Naib Canselor UMS, Brig. Jen. Prof. Datuk Seri Panglima Dr. Kamaruzaman Hj. Ampon, Y. Berusaha Encik Alex Rajakumar, Pengarah Pembinaan Kapasiti ITC yang mewakili Ketua Pengarah ITC, Encik Zainuddin Abdul Wahab, Pengerusi Bersama Persidangan, Dr. Janie Liew Tsonis dan Dekan SPE, Prof. Madya Dr. Hjh Arsiyah Hj. Bahrom. Persidangan selama 2 hari ini melibatkan peserta dari 16 negara.

